



REPUBLIKA E KOSOVËS REPUBLIKA KOSOVA REPUBLIC OF KOSOVO			
KOMUNA MITROVICA E VERIUT - OPŠTINA SEVERNA MITROVICA MITROVICA NORTH MUNICIPALITY			
Njesia Org. Org. Jedin. Org. Unit.	: 01	Nr. Prot. Br. Prot. Prot. Nr.	1007-031
Nr. i faqeve Br. stranica No. pages	7	Data Datum Date	29.12.2023

**Republika e Kosovës**  
Republika Kosova – Republic of Kosovo

**Komuna e Mitrovicës Veriore**

Opština Mitrovica Sever – Municipality of Mitrovica North

---

**KUVENDI I KOMUNËS SË MITROVICËS VERIORE**

Nr. \_\_\_\_\_, Data: 29.12.2023.

**Mitrovicë Veriore.**

**RREGULLORE KOMUNALE NR. 04/2023 PËR ORARIN E PUNËS TË SUBJEKTEVE  
AFARISTE, HOTELIERE, ZEJTARE DHE SHËRBYESE**

**Dhjetor 2023, Mitrovicë Veriore**

Page 1 of 7

Në bazë të nenit 12.2 pika d. të Ligjit për Vetëqeverisjen lokale nr.03/L-040, nenit 40 të Ligjit për Tregtinë e Brendshme të Kosovës nr. 2004/18, neni 60 .al.1.pika h të Ligjit për Veprimtaritë Hoteliere Turistike të Kosovës Nr. 2004/16, neni 31 al.1.pika c, të Ligjit për Zejtarinë e Kosovës Nr. 2004/44, dhe të Statutit të Komunës së Mitrovicës Veriore të datës 15.05.2014, Kuvendi i Komunës së Mitrovicës Veriore, në mbledhjen e mbajtur me datë 29.12.2023 miratoi:

## **RREGULLOREN PËR ORARIN E PUNËS TË SUBJEKTEVE AFARISTE, HOTELIERE, ZEJTARE DHE SHËRBYESE**

### **I. DISPOZITAT E PËRGJITHSHME**

#### **Neni 1 QËLLIMI**

**1.1 .** Me këtë Rregullore do të përcaktohet fillimi dhe mbarimi i orarit të punës për veprimtaritë afariste, hoteliere, zejtare dhe shërbyese të cilat veprojnë apo ushtrojnë veprimtaritë e tyre ekonomike në territorin e Komunës së Veriut.

#### **Neni 2 ORARI**

**2.1.** Veprimtaritë afariste të përmendura më lart në pajtim me Nenin 1 të kësaj Rregullore, janë të obliguara t'i përmbahen orarit të punës të përcaktuar me këtë Rregullore.

**2.2.** Orari i punës përkufizon kohën në të cilën subjekti afarist ushtron veprimtarinë ekonomike nga momenti i fillimit deri në përfundim të orarit të punës, respektivisht deri në momentin kur shfrytëzuesi i shërbimeve nuk mund të ushtrojë veprimtarinë në objekt të subjektit afarist në përputhje me Ligjin dhe me këtë Rregullore.

**2.3.** Orari i punës përcaktohet në bazë të dy periudhave, në atë verore dhe dimërore, në intervale kohore.

**2.4.** Subjekti është i obliguar të theksojë orarin e punës në hyrje apo në vende të dukshme të objektit në të cilin kryhet veprimtaria në përputhje me këtë rregullore, duke saktësuar orarin e punës para dite, pas dite, orarin e pushimit ditor si dhe ditët që nuk punohet.

#### **Neni 3 FUSHËVEPRIMTARIA**

**3.1.** Pronarët e subjekteve afariste që ushtrojnë veprimtaritë tregtare, zejtare, hoteliere dhe shërbyese si (dyqaneve të të gjitha llojeve, qendrave tregtare, fabrikave, tregjeve, depove, objekteve shëndetësore, farmacive, hoteleve, moteleve, restoranteve, objekteve sportive dhe të luna parqeve, shitësve ambulantiv, poliklinikave (si gjinekologëve, dentistëve etj), ordinancave, laboratorëve etj, pavarësisht se çka prodhohet qoftë në ambient të hapur apo të mbyllur, dhe të shërbimeve tjera që iu ofrohen qytetarëve janë të obliguar t'u përmbahen orarit të punës (të respektohet pushimi që iu ofrohen qytetarëve janë të obliguar t'u përmbahen orarit të punës ( të respektohet pushimi dhe përfundimi i orarit të punës), të përcaktuar decidivisht me këtë Rregullore.

**Neni 4**  
**ORARI I PUNËS PËR VEPRIMTARITË TREGTARE**

**4.1.** Për periudhën verore, prej 1 Prill deri më 30 Tetor, prej orës 08:00 deri më 24:00 (max).  
Për periudhën dimërore, prej 1 Nëntorit deri më 31 Mars, prej orës 08:00 deri më 23:30 (max).  
(Pauza rregullohet me vendim të brendshëm – 1 orë)

**4.2.** Qendrat tregtare për dy periudha orari i punës do të jetë nga ora 08:00 deri në 23:30.

**4.3.** Pronari i subjektit afarist me kërkesë të veçantë mund t'i drejtohet Drejtorisë për Ekonomi dhe Financa për vazhdimin e orarit gjatë ditëve të punës, në vikend dhe gjatë ditëve festive për tërë vitin.

**Neni 5**  
**ORARI I PUNËS PËR VEPRIMTARITË ZEJTARE**

**5.1.** Për periudhën verore, prej 1 Prill deri më 30 Tetor, prej orës 07:00 deri më 24:00 (max).

**5.2.** Pronari i subjektit afarist me kërkesë të veçantë mund t'i drejtohet Drejtorisë për Ekonomi dhe Financa, për vazhdimin e orarit gjatë ditëve, në vikend dhe gjatë ditëve festive për tërë vitin.

**5.3.** Ndërsa, veprimtaritë të cilat merren me artizanate të cilat gjenden brenda qendrës historike të qytetit për shkak të natyrës dhe rëndësisë në promovimin e trashëgimisë kulturore dhe të turizmit, mund të punojnë çdo ditë me orar fleksibil gjatë tërë vitit.

**Neni 6**  
**ORARI I PUNËS PËR VEPRIMTARITË HOTELIERE DHE RESTORANTE**

**6.1.** Për periudhën verore prej 1 Prill deri më 30 Shtator, prej orës 07:00 deri më 24:00.

Për periudhën dimërore prej 1 Tetorit deri më 31 Mars prej orës 07:00 deri më 24:00.

Pauza rregullohet me vendim të brendshëm 1 ore për të dy periudhat njëjtë.

**6.2.** Hotelet dhe motelet mund të punojnë pandërprerë vetëm me shërbime të fjetjes, mirëpo duke kufizuar të gjitha shërbimet tjera (restorant, bar, etj) pas orarit të caktuar nga 07:00-24:00.

**6.3.** Në rast se punojnë jashtë këtij orari nëpër bare dhe restorante, duhet ta kenë lejen e posaçme.

**Neni 7**  
**ORARI I PUNËS NËPËR KAFENE**

**7.1.** Për kafeteritë dhe lokalet tjera të ngjajshme që përpos shërbimeve që ju ofrojnë klientëve me pije dhe ushqim njëherit kanë edhe muzikë të gjallë apo me mjete emetuese të muzikës, orari i punës do të jetë për periudhën verore nga ora 07:00 deri më 24:00, si dhe për periudhën dimërore nga ora 07:00 deri në orën 24:00, ndërsa pas orës 24:00, ndërsa pas orës 24:00 obligohen të pajisjen me leje të punës.

**7.2.** Orari i punës nëpër kafene, bare, diskoklube, është i njëjtë për të dy sezonet.

**7.3.** Orari i punës për internet – kafe, sony playstation fillon në orën 08:00 dhe mbaron në 23:00.

## **Neni 8**

**8.1.** Orari i punës për avokat, përmbartues privat, sportele të pagesave, zyra juridike dhe ekonomike, zyra të përkthyesve, zyra gjeodezike, këmbimore dhe tjera të ngjashme, dita e diele është ditë pushimi.

**8.2.** Orari i punës për të gjitha këto veprimtari të cekura në Nenin 8.1 gjatë ditëve të javës prej orës 07:00 deri në orën 16:00, ky orar i njëjtë vlen edhe për ditën e shtunë.

## **Neni 9**

**9.1.** Orari i punës nëpër dyqanet e ondulimit dhe floktoreve është periudha verore prej 1 Prill e deri më 30 Shtator prej orës 04:00 të mëngjesit deri në orën 21:00.

**9.2.** Periudha dimërore nga 1 Tetor deri më 31 Mars prej orës 06:00 deri në orën 20:00.

**9.3.** Me kërkesë të veçantë mund të punojnë gjatë tërë vitit.

## **Neni 10**

### **ORARI I PUNËS PËR VEPRIMTARITË SPORTIVE**

**10.1.** Veprimtari të sportive, stadiumet e improvizuara të futbollit, palestra sportive, qofshin ato në ambient të hapur apo të mbyllur u lejohej ushtrimi i veprimtarive sportive qofshin në sezonin veror apo dimëror nga ora 08:00 deri në orën 24:00.

**10.2.** Të gjitha veprimtari të përmendura në Nenin 10.1 mund të punojnë me pëlqim paraprak edhe pas orës 24:00.

**10.2.** Përjashtim nga al.10.1 dhe 10.2 e këtij neni bëjnë pishinat e hapura për të cilat orari gjatë verës është i kufizuar nga ora 10:00 deri në orën 20:00.

## **Neni 11**

### **ORARI I PUNËS PËR TREGJET**

**11.** Orari i punës për tregjet e qytetit caktohet si vijon:

- a) Periudha verore – prej orës 07:00-20:00.
- b) Periudha dimërore – prej orës 08:00-19:00.

**11.2.** Tregjeve të gjelbërta të qytetit i mundësohet të operojë çdo ditë të javës duke mos përjashtuar ditë vikendi ose ditët e festave.

**11.3.** Tregu i plaçkave mund të operojë çdo ditë të javës dhe ditën e diele mund të punojë deri në ora 13:00.

**11.4.** Tregu i kafshëve do të punojë ditën e mërkurë prej orës 06:00 mëngjes deri në 15:00.

**11.5.** Tregut të automjeteve i lejohej të operojë dy ditë në javë, respektivisht të mërkurën dhe të shtunën.

## Neni 12

### ORARI I PUNËS PËR ORGANIZIME DHE EVENTE TË NDRYSHME

**12.1.** Organizatorët e panairove, eventeve të ndryshme, ekspozitave, reklamave dhe propagandimi i mallrave e shërbimeve të ndryshme, shitja e mallrave dhe produkteve ushqimore me mjete lëvizëse duhet të kenë caktuar lokacionin dhe njëkohësisht duhet të pajisen me leje për shfrytëzimin e hapësirës publike nga Drejtorit përkatëse (në leje duhet të shënohet orari i punës).

**12.2.** Nëse organizatori nuk pajiset me leje përkatëse, të njëjtit i ndalohej çfarëdo veprimi dhe ndaj tij do të ndërmerren masat e parapara sipas kësaj rregullore dhe ligjit në fuqi.

**12.3.** Të gjitha eventet që organizohen brenda qendrës historike duhet të pajisen me pëlqim nga Qendra Rajonale për Trashëgimi Kulturor.

## Neni 13

### ORARI I PUNËS PËR VEPRIMTARITË SHËNDETËSORE

**13.1.** Orari i punës për Ordinanca specialiste, laboratore, farmaci, klinika dhe poliklinika të cilat operojnë në territorin e Komunës së Veriut është i njëjtë për të dy periudhat, si verore edhe atë dimërore, dhe fillon prej orës 07:00 dhe mbaron në orën 23:00.

**13.2.** Veprimtaritë afariste të lartcekura në raste emergjente ditëve të diela dhe gjatë festave shtetërore mund të punojnë edhe jashtë orarit të paraparë në paragrafin 13.1. të këtij neni.

**13.3.** Barnatoret (farmacitë) të cilat operojnë brenda qytetit në afërsi të objekteve kryesore që ofrojnë shërbime shëndetësore duhet të pajisen me leje të veçantë për punë të pandërprerë 24 orëshe pranë Drejtorisë për Ekonomi dhe Financa duke harmonizuar kujdestaritë prej orës 23:00 deri në orën 07:00 të mëngjesit në përputhje me planin për kujdestari të hartuar në bashkëveprim me Drejtorinë e Shëndetësisë.

**13.4.** Orari i kujdestarisë do të publikohet në qendrat mjekësore, barnatore dhe web faqen Zyrtare të Komunës, dhe obligohet Shoqata e Farmaceutike të përgatis planin mujor të orarit të kujdestarisë.

**13.5.** Të gjitha ato barnatore që dëshirojnë të punojnë pas orës 23:00 duhet të posedojnë leje të veçantë për zgjatje të ushtrimit të veprimtarisë.

## Neni 14

**14.1.** Orari i punës në dyqanet tregtare të tekstilit, dyqanet e këpucëve, dyqanet e pajisjeve teknike shtëpiake “teknikës së bardhë” dhe veprimtarive tjera jo ushqimore do të jetë:

- a) Periudha verore prej orës 07:00-23:00
- b) Periudha dimërore prej orës 08:00-23:00

**14.2.** Organizatat e biznesit sipas pikës 1 të këtij neni që veprojnë në periferi të qytetit në ditën e fundjavës (të dielen) mund të punojnë me orar të zgjatur edhe pas orës 12:00 me pëlqim të veçantë brenda vitit kalendarik.

## Neni 15

**15.1.** Orari i punës në depot e artikujve ushqimore, depot e materialit ndërtimor dhe në ndërmarrjet që merren me prodhimin e betonit, periudha verore dhe dimërore do të jetë njëjtë.

**15.2.** Orari i punës për të gjitha veprimtaritë e përmendura në Nenin 15.1 për periudhën verore dhe dimërore është i njëjtë dhe fillon prej orës 08:00-20:00.

**15.3.** Ndërmarrjet ndërtimore në raste të jashtëzakonshme emergjente për shkak të natyrës së punëve me leje të posaçme mund të punojnë me orar të zgjatur deri në orën 23:00.

## **Neni 16**

### **ORARI I PUNËS PËR DITËT E FESTAVE**

**16.1.** Ditët e festave në nivel të Komunës së Mitrovicës së Veriut janë bazuar në Statutin e Komunës së Mitrovicës së Veriut, ndërsa për festat tjera shtetërore do të vepohet në përputhje me dispozitat ligjore sipas Ligjit për Festat Zyrtare në Republikën e Kosovës.

**16.2.** Dita e festës është ditë pushimi, ndërsa subjektet afariste mund të jenë të lira të punojnë në sektorin e shërbimeve me vullnetin e tyre.

**16.3.** Organizatat e biznesit mund të zgjasin orarin e punës me rastin e festave, konform Ligjit për Festat Zyrtare në Republikën e Kosovës.

## **Neni 17**

**17.1.** Subjektet të cilët kërkojnë leje për vazhdimin e orarit të punës jashtë afatit të caktuar me këtë rregullore, duhet t'i drejtohen me kërkesë organit kompetent, përkatësisht Drejtorisë për Financa minimum tri ditë para ushtrimit të asaj veprimtarie.

## **Neni 18**

**18.1.** Drejtoria e Ekonomisë dhe Financave sipas kërkesës së palës është e obliguar që nga pala të kërkojë edhe dokumentacion shtesë si: certifikatën e regjistrimit të biznesit, letërnjoftimin dhe pagesën e taksës së veçantë për leje vazhdim të orarit të punës për subjektin dhe veprimtarinë e caktuar.

## **Neni 19**

**19.1.** Në rast se inspektorati kompetent del në vend të ngjarjes së veprimtarisë dhe konstaton se subjekti po e ushtron veprimtarinë e caktuar jashtë orarit dhe me procesverbal konstaton të meta për mosrespektim (mospërfillje) të orarit të punës, atëherë organi kompetent merr masa ndëshkuese konform kësaj rregullore.

## **Neni 20**

**20.1.** Taksat për pagesë për punë jashtë orarit të rregullt në Komunën e Mitrovicës së Veriut llogariten siç vijon me poshtë:

Për 1/një/orë pune të VEPRIMTARIVE tregtare pagesa është 5 €

Për 1/një/orë pune të VEPRIMTARIVE hoteliere pagesa është 10 €

Për 1/një/orë pune të VEPRIMTARIVE zejtare pagesa është 5 €

Për 1/një/orë pune të VEPRIMTARIVE shërbyese pagesa është 10 €

**20.2.** Për subjektet afariste të cilët posedojnë salla ahengjesh (dasma, syneti, kanagjegj, ditëlindje, matura dhe të tjera të ngjajshme), për çdo herë të tejkalimit të orarit të punës, respektivisht pas orës 24:00, janë të obliguar që për çdo aheng të paguajnë 100/njëqind euro/PËR DITË, në emër të vazhdimit të orarit të punës.

**20.3.** Restorantet apo sallonet e dasmave që posedojnë deri në 200 ulëse paguajnë 50 euro për ditë. Restorantet apo sallonet e dasmave që posedojnë deri në 500 ulëse paguajnë 100 euro për ditë.

## **Neni 21 MBIKËQYRJEN**

Për zbatimin e kësaj Rregullore do të kujdesen: Drejtoria për Ekonomi dhe Financa, Drejtoria e Inspektorateve – Inspektorati i Tregut Komunal, Sanitar, Mjedisit.

Gjatë kryerjes së inspektimit, inspektorati komunal dhe të tjerët janë të autorizuar që në përputhje me ligjin të veprojnë në përputhshmëri të kësaj rregullore.

## **Neni 22 DISPOZITAT NDËSHKUESE**

**22.1.** Me dënim me të holla prej 100 deri në 500 ( me mundësi ndryshimi sipas propozimeve ) do të dënohen për kundërvajtje personat fizik kur vepron në kundërshtim me nenin 4. Al 4.1;4.2;4.3; me nenin 5. Al 5.1;5.2;5.3; me nenin 6. al 6.1;6.2;6.3; me nenin 7. al 7.1;7.2;7.3; me nenin 8. al 8.1;8.2; me nenin 9. al 9.1;9.2;9.3, me nenin 10. al 10.1;10.2;10.3; me nenin 11. al 11.1;11.2;11.3;11.4;11.5; me nenin 12. al 12.1;12.2;12.3; me nenin 13. al 13.1;13.2;13.3;13.4; me nenin 14. al 14.1;14.2 me nenin 15. al 15.1;15.2;15.3; dhe me nenin 16. al 16.1; 16.2;16.3

**22.2.** Me dënim me të holla prej 100 deri në 1000 euro do të dënohet personi juridik ose personi përgjegjës i personit juridik nëse vepron në kundërshtim me nenin 4. al 4.1;4.2;4.3; me nenin 5. al 5.1;5.2;5.3; me nenin 6. al 6.1;6.2;6.3; me nenin 7. al 7.1.;7.2;7.3; me nenin 8. al 8.1;8.2; me nenin 9. al 9.1;9.2;9.3, me nenin 10. al 10.1;10.2;10.3; me nenin 11. al 11.1;11.2;11.3;11.4;11.5; me nenin 12. al 12.1;12.2;12.3; me nenin 13. al 13.1;13.2;13.3;13.4; me nenin 14. al 14.1;14.2 me nenin 15. al 15.1;15.2;15.3; dhe me nenin 16. al 16.1; 16.2; 16.3

## **Neni 23 Dispozitat shfuqizuese**

Me hyrjen në fuqi të kësaj Rregulloreje, shfuqizohen të gjitha rregulloret e mëparshme.

## **Neni 24 Hyrja në fuqi**

Kjo rregullore hyn në fuqi 15 ditë pune pas regjistrimit në zyrën e protkollit të ministrisë përgjegjëse për vetëqeverisje lokale, si dhe pas publikimit në gjuhët zyrtare në ueb faqën e Komunës.

**Mitrovicë Veriore.**

Dorëzohet:

1x1 Kryesuesit të Kuvendit

1x1 MAPL

1x1 Arkivit

Kopje: Kryetarit të Komunës  
Drejtorisë.

